

畸人詠

完

柳田文庫
文庫11
A1206



文庫11
A1206

畸人咏序

四

和信齋藏書

和信齋藏書

良醫曾林氏來謁語次謂余曰不佞
弊邑文學罔田挺之士學優長
講授之暇所著者詩善文積化
若千卷頃又化天下之畸人

德者言行清虛直者之咏二三
門生請梓之曰今僕廁之且乞
一言少徵之僕淺學菲德安居
司命之職日夜汲々奔走刀圭
之役矧乎克遑鈇槩之技願君

代僕不佞為弁一言余曰余也不敏
何足以稱揚之乎是猶以盲者譚
黻冕之美乎也已林氏則以其嘗
受學岡田氏也於主所以輔翼師
文藻著於一世者無不以竭其力

也乃又強請盡辭懇至不已余竟
不可以愬狀以終之也仍強攬禿
筆聊塞主責矣斯篇也心哀其事
迹之奇特刮歎人目而聞主所言
行之道者以就有道而正焉乎其於

學必亦有或得一大裨益焉邪
於是乎題

寬政四年歲次壬子七月十一日

正三位藤原良直撰



Blank columns for text on the right page.

御田象文庫



畸人詠

尾張岡田挺之 著

平安伴萬躰輯近世畸人傳三熊世純圖而上梓
余讀之有概於心盡一傳則題一篇以消長夏且
備遺忘是特常語有韻者而已世人不以詩觀之
可也

中江藤樹

早薛羈絆歸田塾日日談經藤樹下不獨門生慕素
風鄉閭亦自知賢者

畸人詠

貝原益軒

同舟半月度西溟，不向稠人說姓名。
白面高談年少子，寧知半上有先生。

僧桃水

浮遊晦迹乞兒中，又作潭頭捆屨翁。
惡食弊衣長不厭，誰知獨有逸民風。

僧無能

美貌猶如菩薩面，紅粧女子生迷戀。
殷勤半夜訴衷情，坐念彌陀不肯變。

長山宵子

女德幽閑持為範，有奴狂悖不能犯。
懷中匕首色如霜，纖手揮來持地斬。

甲斐栗子

倉皇避水出廬時，背負提携大小兒。
一節真堪稱義婦，于今紀實石豈碑。

若狹綱子

豺狼入邑救人時，後婢留心護小兒。
死後芳名終不沒，道傍墳上幾題詩。

樵者七兵掃妻

蟒在山中毒霧昏夫妻一日被并吞揮鎌努力屠其腹出死何傷髮似髭

伊藤介亭

遺忘火筋頻尋覓親自剥沐窺罅隙只恐它時或害人不然微物豈多惜

宮場圃

毫端墨戲出風塵戶外成群覓竹人
自高堂垂炯戒終身不復寫叢筠

駿府義奴

多年不惜勞筋力身為主翁辨衣食
公府賞錢五十緡昇來蓬華俄生色

木揚利兵衛

主母年高過九十辛勤賣力克供給
朝朝背負至人家屢問寒暄分飯粒

河内清七

入山樵采力兼人甘旨供來善事親
欲向市塵求嗜窗窗前忽見一雙鷄

大和伊麻子

老親伏枕已旬餘廢食唯求鰻鱺魚半夜餅中間水
響得之其病一時除

近江新六

兄妹同居養老翁日搥籃輦至禪宮侯家賜物加旌
表孝感通天遂不空

龜田久兵衛

獨守廉隅在稚年晴牕寫字讀陳編虛心不敢違嚴
訓日日街頭賣木綿

三宅尚齋

直言誠有古人風禁錮終年一室中身血滴來注周
易寧同咄咄漫書空

僧鐵眼

將鏤大藏募諸緣再值涼民厄儉年穀粟分來施餓
者僧中有個救時賢

倭屋長右衛門

平生雜作比家僮廉價元來有古風脩理道橋防水
火誰知日日積陰功

内藤平九衛門

關東土俗猶酸楚生子貧家多不舉獨有斯人分米
錢年年活得幾男女

寺井玄溪

赤穂忠臣誓復雙玄溪忱慨亦同謀只緣醫者殊涼
品未從先君地下遊

大石氏僕

老來何負異時心死別吞聲感慨深肖像藏為遺念
物自言珍重勝黃金

小野寺秀和妻

夫妻唱和比秦徐別後天涯互寄書一自東風凶問
至捐身不復惜君諸

尼破鏡

良人孝子致身輕死別何堪契濶情難染為尼長守
節哀音寫得入銀箏

遊女大橋

北里名倡貌似花暮年流宕落貧家當場尚自披書
卷嘯咏林臯度物華

遊女某尼

失身空悔在平康，正髮閑居一草堂。不向病中加藥，
領臨終所願是西方。

石野權兵衛兄弟

兄弟同居數十年，裏頭相對地爐邊。擇人來往唯名
士，大隱誰知在市廛。

隱士石臥

談兵擊劍是家業，梵典神書亦涉獵。辭祿飄飄遊四
方，終身不肯蓄妻妾。

賣茶翁

啜茗時生兩腋，風忘機自與道心通。逢人賣去元無
價，說著烏甌勝碧筒。

江村專齋

鶴髮龐眉百歲人，清時奉詔入楓宸。
上皇顧問長生訣，賜杖恩光滿四鄰。

北村篤所

儒服綸巾出尚方，橫經近侍
至尊傍。它時問疾加恩賜，寶硯團參至臥牀。

西生永濟

昔年高士隱中山一樹青松好伴閑曾有貴人頻勸
駕沈冥不肯出柴關

岡周防守

平居齋戒致誠虔忽患癰瘡暫困眠夢有神人摩背
上癰痕洗却即時痊

壽木長廣

苑柳宮槐始得攀繙書乙夜侍天顏數行宸翰如
龍鳳齋去遊方不復還

僧別首坐

早識人間元不住生平一半在行路乘機往往說禪
心茶飯常言見奇趣

僧圓空

雲遊到處刺梅檀千億如來現樹端遠入蝦夷能化
俗人人總作釋迦看

中倉忠宣

春日看花興有餘冬天謝客事繙書長貧不厭無糧
食盡曲衣衾得海魚

隱士長流

高眠不與俗人言，豈入王侯貴戚門。日日讀書長自適，獨留歌詠至今存。

僧契冲

遯志飄然避世譁，自辭繹蓋著袈裟。諷經餘力耽吟詠，別在詞林作一家。

荷田春滿

獨愁時俗日奔波，古學潛心用力多。家姪門人承緒業，爭傳萬葉國風歌。

桃山隱者

高臥看書不出言，身如丐者席為門。誰圖死後家臣至，灑淚殷勤說舊恩。

位田儀兵衛

身上穿來百結衣，時時數豆却忘機。為人傭作常知足，心事由來解者稀。

手車公羽

玩世浮遊一老翁，往來京洛市門中。姓名韜晦無人識，弄得風車與小童。

山科農夫

山科父子耕田地子見遺金生意思父曰於吾無所
關莫將閑事落農事

金蘭齋

洛中狂者有金蘭一物無營心自安吹笛街頭獅子
舞便同兒輩廢書看

小西來山

被醉蹣跚犯夜行幽囚在獄亦無驚所為都與恒人
異一句狂吟了死生

加島宗叔

筆舌耕來善事親常供甘脆不稱負醉中論事無畦
畛擊節高聲敬四隣

文展狂女

一去良人不復回傷心懊惱自難裁函中書札常隨
手月底花前屢展來

長崎餓人

生產雖貧常嗜酒終年數日絕乾糲端居垂死尚看
書一飯之恩不肯受

相者龍袋

龍袋平生善相人，自知飢餓且孤貧。
閉門長與知音訣，絕粒臨終不惜身。

森金吾

四十辭官住故鄉，只將蕎麥潤枯腸。
老年高踏金峰頂，獨有題名在寶坊。

太田見良

自從錢祿謝君恩，禁足終年不出門。
一室掃來蒲洒甚，春蘭秋菊貯磁盆。

佛行坊

自栽花草克欣賞，容室供茶不設饗。
臥病繩牀示化時，唯將片語題遺像。

僧日初

不營衣食百無憂，閉戶蕭然四壁幽。
自惜閑中消日月，却從方外著春秋。

僧涌蓮

高僧避世住嵯峨，讀誦經文記性多。
奉佛餘閑無外事，清吟言志數篇歌。

柳澤淇園

一世風流有是裁身通衆執又憐才每逢倉卒過門者故意拘留不遣回

池大雅

丹青妙手見精神富士名山寫得真更有玉瀾同隱趣可知夫婦共畸人

求大雅僧

無名留偈在禪扉太恨當時會面違裏足追遊入京洛交言一笑即東歸

澤村琴所

歸舟一日度風波獨自悠然鼓舢歌身後留名長不朽何愁零落老巖阿

手島堵菴

平生講業在脩身往往婆心化比隣送柩東山埋葬夕四方來會數千人

高橋圖南

手鼓鸞刀妙出羣一魚均為六人分古時宮殿讀形勢寫入丹青奉

聖君

堅田祐庵

性精茶事實奇我不減贊皇別水才已辨魚從何處
出還知竹自遠方來

久隔守景

圖中水墨出天然一一矜持不妄傳大國諸侯曾遠
聘留為食客已三年

土肥二三

自在軒中寄傲長時時啜茗又焚香悠然獨抱琵琶

坐捲箔終宵對月明

廣澤長孝

結字樸樸廣澤邊朔風弄月送流年但因冠族時來
往又有歌詞世上傳

僧似雲

景慕西行入夢年遠尋遺跡至弘川結廬曾住須磨
浦日夕憑軒望竈烟

僧惠潭

長齋不復高妻絮抖擻飄然謝世塗客裡隨身書兩

卷一 朝埋骨在山隅

矢部正子

紅顏薄命托狂夫，一別霜娥與月孤。
身後唯留歌詠在，可憐蘭蕙向秋枯。

祇園棍子

日日烹茶市店邊，花枝柳葉鬪嬋娟。
吟來好句多堪誦，又有芳名籍甚傳。

室町宗甫

在家菩薩是斯人，二萬黃金不著身。
豈惜揮米垂欲

畫低眉尚自救窮貧

惟然坊

飄然浪迹任風狂，擊節高歌道路旁。
一日無端逢女子，忽忽分手淚沾裳。

淡海狂僧

姓名鄉里都韜晦，漂泊豈為乞兒態。
逢僧聊復論流塞，拄杖奪來拊其背。

表太

早悟人生自有涯，優游寄興在烟霞。
酒瓢携去關河

事看盡春山處處花

並河天民

昂藏氣象出群高
經濟人稱一世豪
欲取蝦夷為屬
國空言未得試牛刀

北山友松

吳中遠客寓長崎
偶與丸山娼妓私生子
聰明通執術處方多
驗作良醫

戶田旭山

帶來長劍披奇服
多識禽魚與草木
日限十人為診

脉不將貴賤殊盈縮

隱家茂睡

隱居何必在青山
梨下茅菴巷市間
三十一言多古意
著書日日自消閑

僧丈草

壯年稱病就閑幽
一鉢三衣絕外求
禪境獨憐湖上景
多時結宇在龍丘

安藤年山

弟兄同業在侯門
史局餘閑著緒言
自分中年無嗣

子固辭加秩受新恩

井上通女

彤管揮時錦繡開
客中詩草自成堆
曾逢釋子論儒
佛有子終稱博士才

有馬涼及

曾陪

帝座作官醫
又向侯門乞侍兒
棄擲黃金買櫻樹
啟看花蕊映庭墀

甲斐德本

賣藥唯求十六錢
能令疾病應時蠲
單身本不貪榮
利却為親朋乞牛田

雪山

屋漏遮來挂浴盆
學子書精苦忍飢寒
黃金不用營衣食
便買扁螺放水端

加賀圓通

草勢翩翩揮醉墨
寫終自笑不能識
洛陽街上尋親
朋忘却名居訪左側

龜田窮樂

痛飲狂歌不厭窮往來唯有賣茶翁值人贈酒會比
隣又散方金一日空

山村通菴

少小為醫又愛禪遍遊諸國試溫泉病中脈脈知將
死把筆題來偈一篇

松本馭堂

短髮長髯一老翁自圖親友在屏中偶因探勝遊熊
野採得人參始見功

美濃隱僧

深居四十有餘年不下山門謝世緣熟讀華嚴為口
課跣趺念佛至終焉

白幽子

二百年來住碧嶂朱顏蒼髮猶如壯長生要訣不他
求自有軟酥在頂上

畸人詠畢

寛政十年戊午六月

尾張書肆

片野東四郎

010190525967

